



Na osnovu čl. 4. i 22. stav (2) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo" broj 53/16), čl. 5. tačka d) i 6. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12-Ispravka, 37/13, 16/14 i 6/17), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima ("Službene novine Kantona Sarajevo", br. 9/17 i 21/17) i člana 3. Odluke o raspisivanju Javnog poziva za dodjelu novčanih sredstava humanitarnim organizacijama/neprofitnim organizacijama/ i udruženjima koji se finansiraju/sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava broj 13-02/1-05-7450/17 od 06.06.2017. godine, ministrica za rad, socijalnu politiku, raseljena lica i izbjeglice Kantona Sarajevo raspisuje

JAVNI POZIV
**za dodjelu novčanih sredstava humanitarnim organizacijama /neprofitnim organizacijama/ i
udruženjima za 2017. godinu**

I - Predmet Javnog poziva je dodjela novčanih sredstava humanitarnim organizacijama /neprofitnim organizacijama/ i udruženjima u svrhu finansiranja/sufinansiranja projekata iz oblasti rada, socijalne politike, raseljenih lica i izbjeglica, a čiji su projekti, programi ili aktivnosti od interesa za građane Kantona Sarajevo (u daljem tekstu: Kanton) ili doprinose razvoju i afirmaciji Kantona i provode se na području Kantona.

II - Opći kriteriji za dodjelu sredstava

- a) Registracija udruženja na bilo kojem nivou vlasti u Bosni i Hercegovini
- b) Realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona
- c) Ekonomska ili društvena opravdanost projekta koje udruženje predlaže i provodi
- d) Program rada za tekuću godinu sa obrazloženjem
- e) Finansijski plan za tekuću godinu
- f) Izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu)
- g) Finansijski izvještaj o utrošku sredstava za projekte odobrene u prethodnoj godini
- h) Organiziranost i broj članova udruženja/humanitarne organizacije/neprofitne organizacije/
- i) Broj lica koja učestvuju u realizaciji projekta
- j) Specifičnost potreba članova udruženja/humanitarne organizacije/neprofitne organizacije/, odnosno populacije koju zastupaju
- k) Rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom

III - Posebni kriteriji po ovom javnom pozivu su:

- 1) Projekti obezbjeđivanja raznih pomagala pri zadovoljavanju svakodnevnih potreba lica sa invaliditetom
- 2) Projekti pružanja pomoći od drugog lica (stara i iznemogla lica, lica sa invaliditetom i drugi kojima je ta pomoć potrebna)
- 3) Projekti za provođenje posebnih oblika rehabilitacije i resocijalizacije lica sa invaliditetom i drugih osjetljivih kategorija iz nadležnosti Ministarstva za rad, socijalnu politiku, raseljena lica i izbjeglice
- 4) Aktivnost i uključivanje što većeg broja lica sa invaliditetom u rad udruženja
- 5) Projekti i aktivnosti na realizaciji stimulativnih mjera zapošljavanja lica sa invaliditetom i pripadnika nacionalnih manjina
- 6) Projekti i aktivnosti udruženja registrovanih za oblast socijalne i dječije zaštite koje su usmjerene za unapređenje zaštite porodice sa djecom, a za cilj imaju pružanje podrške porodicama čiji je jedan od članova osoba sa invaliditetom, kroz psiho-socijalnu podršku i zbrinjavanje na poludnevnoj osnovi, u svrhu njihove pune integracije u lokalnu zajednicu i odrastanja u vlastitoj porodici
- 7) Projekti i aktivnosti udruženja registrovanih za oblast socijalne i dječije zaštite namijenjene poboljšanju položaja djece samohranih roditelja, višečlanih porodica pod rizikom od razdvajanja od djece
- 8) Projekti zaštite i borbe protiv nasilja u porodici i nasilja na osnovu spola
- 9) Projekti i aktivnosti udruženja koja se bave hroničnim, neizlječivim, somatskim oboljenjima – autoimune i rijetke bolesti koje ostavljaju trajni invaliditet, a oboljeli su u stanju potreba
- 10) Projekti humanitarnih organizacija koje se bave humanitarno-socijalnom djelatnošću vezanoj za kategorije korisnika definisane Zakonom o osnovama socijalne zaštite, zaštite civilnih žrtava rata i zaštite porodice sa djecom (“Službene novine Federacije BiH”, br. 36/99, 54/04, 39/06, 14/09 i 45/16) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst i 38/16).

Dokumentacija koja se treba dostaviti u originalu ili ovjerenoj fotokopiji:

1. Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet, a koji se nalazi na web stranici Ministarstva www.mrsri.ks.gov.ba
2. Rješenje o registraciji i uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, a koje će ovo ministarstvo pribaviti po službenoj dužnosti
3. Uvjerenje o poreskoj registraciji – identifikacioni broj
4. Uvjerenje o izmirenim poreskim obavezama, ne starije od tri mjeseca
5. Uvjerenje o izmirenim porezima i doprinosima za zaposlenike (ukoliko ima zaposlenika). Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje
6. Bilans stanja i bilans uspjeha za 2016. godinu, ovjereni od strane nadležne poreske uprave
7. Izvještaj o utrošku sredstava za projekte odobrene u prethodnoj godini.

Udruženja koja su registrovana u prethodnoj godini i nisu dobili sredstva za projekte nisu dužni dostaviti dokumentaciju pod tačkama 6. i 7. ovog javnog poziva

IV Pravo učešća na ovom javnom pozivu nemaju humanitarne organizacije /neprofitne organizacije/ i udruženja koja se stalno finansiraju od strane Ministarstva za rad, socijalnu politiku, raseljena lica i izbjeglice Kantona Sarajevo (u daljem tekst: Ministarstvo), prema Zakonu o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst i 38/16).

V - Javni poziv će biti objavljen na Internet stranici Kantona Sarajevo, www.mrsri.ks.gov.ba i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

VI - Za provođenje Javnog poziva i realizaciju cjelokupnog postupka i dodjele sredstava Ministrica će imenovati komisiju koja će cijeniti opravdanost zahtjeva i kvalitet predloženog projekta, programa ili aktivnosti, izvršiti bodovanje i procjenu, radi donošenja odluke o dodjeli sredstava neprofitnim organizacijama i udruženjima.

Aplikanti dostavljaju samo po jedan projekat.

VII – Rok za podnošenje zahtjeva za dodjelu sredstava po Javnom pozivu je 15 (petnaest) dana od dana posljednje objave.

VIII – Zahtjevi za dodjelu sredstava se podnose u zatvorenoj koverti na Protokol Kantona Sarajevo ili poštom na adresu:

**Ministarstvo za rad, socijalnu politiku, raseljena lica i izbjeglice Kantona Sarajevo,
ul. Reisa Džemaludina Čauševića broj 1., Sarajevo,
sa naznakom “Prijava na Javni poziv od 06.06.2017. godine - ne otvaraj”.**

IX – Neblagovremene zahtjeve komisija neće uzeti u razmatranje i vratiti će se neotvoreni uz dopis. Nepotpune zahtjeve komisija će odbaciti i o tome obavijestiti podnosioca zahtjeva.

X – Rezultati Javnog poziva objavit će se na oglasnoj ploči Kantona Sarajevo i na web stranici Ministarstva.

Na web stranici Ministarstva mogu se preuzeti i obrasci navedeni u ovom javnom pozivu (prijavni obrazac i obrazac za narativni i finansijski izvještaj).

XI – Sredstva odobrena po osnovu Javnog poziva moraju se iskoristiti za realizaciju kandidovanog projekta, pri čemu se korisnik sredstava mora pridržavati važećih propisa.

XII – Aplikanti kojima budu dodijeljena sredstva po ovom javnom pozivu zaključiti će ugovor sa Ministarstvom, u kojem će biti regulisana međusobna prava i obaveze.

Broj: 13-02/1-05-7450/17
Sarajevo, 06.06.2017. godine

MINISTRICA

Amela Dautbegović



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

